



Broj: 01-153/23
Vareš, 26.06. 2023. godine

Na osnovu člana 22. Statuta Općine Vareš – Prečišćeni tekst, broj: 01- 162/12 od 11.09. 2012. godine, i na osnovu člana 2. stav 2. i člana 32. stav 2. Zakona o pravobranilaštvu („Službene novine Zeničko – dobojskog kantona“, broj: 12/13), te ukazane potrebe, Općinsko vijeće Vareš na 2. Vanrednoj telefonskoj sjednici održanoj 26.06.2023. godine, d o n o s i:

ODLUKU

o osnivanju Općinskog pravobranilaštva Općine Vareš

Član 1.

Općinsko vijeće Vareš osniva Općinsko pravobranilaštvo Općine Vareš kao poseban i samostalan organ koji svoju funkciju vrši u skladu s Ustavom, a na osnovu zakona, drugih propisa i općih akata, koje preduzima mjere i pravna sredstva radi pravne zaštite imovine i imovinskih interesa Općine Vareš.

Općinski pravobranilac je zakonski zastupnik Općine koji preduzima pravna sredstva i mjere radi pravne zaštite imovine i imovinskih interesa Općine.

Član 2.

Sjedište Općinskog pravobranilaštva Općine Vareš je u Varešu, ulica Zvijezda broj 34.

Član 3.

Općinsko pravobranilaštvo ima pečat.

Pečat je okruglog oblika, prečnika 50 mm s tekстом sljedećeg sadržaja:

Bosna i Hercegovina, Federacija Bosne i Hercegovine, Zeničko – Dobojski kanton,
Općinsko pravobranilaštvo Vareš.

Član 4.

Općinsko pravobranilaštvo obavlja poslove pravne zaštite imovine i imovinskih interesa Općine i njenih organa i tijela koja nemaju svojstvo pravne osobe, a finansiraju se iz budžeta Općine.

Po zahtjevu mjesne zajednice, pravobranilaštvo će se u ime Općine umiješati u određeni imovinsko - pravni spor na strani mjesne zajednice.

Općinsko pravobranilaštvo ne zastupa organe i tijela Općine u radnim sporovima, izuzev radnih sporova pokrenutih radi novčanih potraživanja.

Član 5.

U poslovima zastupanja pravobranilaštvo kao zakonski zastupnik Općine preduzima pravne radnje i pravna sredstva radi zaštite imovine i imovinskih interesa Općine pred sudovima i drugim nadležnim organima, kao i drugim slučajevima zaštite imovine i imovinskih interesa Općine kada je na to ovlašteno zakonom.

Organi i tijela navedeni u članu 10. Zakona o pravobranilaštvu dužni su blagovremeno obavijestiti pravobranilaštvo o slučajevima u kojima ih je ono ovlašteno zastupati i ulagati pravna sredstva i preduzeti druge zakonom određene pravne radnje, te mu dostaviti svu potrebnu dokumentaciju.

Član 6.

Pravobranilaštvo pruža stručnu pomoć organima i pravnim licima navedenim u članu 3. Zakona o pravobranilaštvu u rješavanju imovinsko – pravnih pitanja.

Član 7.

Sredstva za rad Općinskog pravobranilaštva Općine Vareš osigurati će se u budžetu Općine Vareš.

Član 8.

Funkciju Općinskog pravobranilaštva vrši jedan općinski pravobranilac ili njegov zamjenik.

Općinsko pravobranilaštvo će imati jednog zamjenika.

Odluka o imenovanju pravobranioca ili zamjenika donosi Općinsko vijeće u skladu sa odredbama Zakona i prema ukazanoj potrebi.

Član 9.

Propisi kojima se uređuje radno – pravni status državnih službenika i namještenika u organima državne službe, u skladu se primjenjuju i na državne službenike i namještenike u Općinskom pravobranilaštvu, ako Zakonom o pravobranilaštvu nije drugačije određeno.

Član 10.

Ovom Odlukom stavlja se van snage Odluka o osnivanju Zajedničkog općinskog pravobranilaštva općina Vareš i Olovo broj: 01-54/22 od 30.03.2022. godine.

Član 11.

Općinsko pravobranilaštvo počinje sa radom 01.07.2023. godine.

Član 12.

Ova Odluka stupa na snagu osmog dana od dana objavljivanja na oglasnoj tabli Općine Vareš.

**PREDSJEDAVAJUĆA
OPĆINSKOG VIJEĆA**

Mahira Brkić

Odluka objavljena na oglasnoj tabli Općine Vareš, dana 27.06.2023. godine.

OPĆINSKI NAČELNIK

Zdravko Marošević

O b r a z l o ž e n j e

Odluke o osnivanju Općinskog pravobranilaštva Općine Vareš

1. Pravni osnov

Pravni osnov za donošenje ove odluke sadržan je u članu 2, stav 2, i u članu 32. stav 2. Zakona o pravobranilaštvu („Službene novine Zeničko – dobojskog kantona“, broj: 12/13) kao i u članu 22. Statuta Općine Vareš - Prečišćeni tekst, broj: 01- 162/12 od 11.09. 2012. godine.

2. Razlozi za donošenje odluke

Razlozi za donošenje ove odluke je taj što je Općina Olovo donijela odluku o osnivanju Općinskog pravobranilaštva Olovo i samim tim je Odluka o osnivanju Zajedničkog općinskog pravobranilaštva općina Vareš i Olovo broj: 01-54/22 od 30.03.2022. godine stavljena van snage. Da bi Općina Vareš mogla normalno funkcionirati neophodno je da se osnuje Općinsko pravobranilaštvo Vareš, zbog poslova koji se moraju zastupati pred nadležnim sudovima, radi poštovanja zakonskih rokova obzirom da može doći do finansijskih gubitaka za samu Općinu kao i zbog toga što Općina Vareš može trpiti određene pravne posljedice.

3. Finansijska sredstva:

Za sprovođenje ove odluke planirana su finansijska sredstva za 2023. godinu.

OPĆINSKI NAČELNIK

Zdravko Marošević